

世二
廿二末

景德傳燈錄卷第二十三
吉州清原山竹思禪師第七世
韶州雲門山文偃禪師法嗣三十六人一十六人見錄
南嶽般若啓柔禪師
筠州黃檗法濟禪師
襄州洞山守初大師
信州康國耀和尚
潭州谷山豐禪師
潁州羅漢匡果禪師

三世

朗州滄谿璣和尚
勦州北禪寂和尚
廬山南天王永平禪師
湖南潭明和尚
金陵奉先深禪師
路府妙勝臻禪師
韶州燈峯和尚
澧州藥山圓光禪師
廬山開先清耀禪師
韶州慈光和尚
洪州雲居山融禪師
廬州北天王微禪師
眉州福化院光禪師
信州西禪欽禪師
筠州洞山凜禪師
已上十人無機緣語句不錄

隨州雙泉山永禪師法嗣
廣州大通和尚一人
無機緣語句不錄

台州瑞巖師彥禪師法嗣二人見錄

- 南嶽橫龍和尚 溫州瑞峯院神祿禪師
懷州玄泉彥禪師法嗣五人見錄
- 鄂州黃龍誨機大師 洛京柏谷和尚
池州和龍和尚 懷州玄泉第二世和尚
- 潞府妙勝玄密禪師
福州羅山道閑禪師法嗣十九人十六人見錄
- 洪州大寧隱微禪師
衡州華光範禪師
西川慧禪師
虔州天竺義證禪師
贊州金柱義昭和尚
湖南道吾山從盛禪師
- 灌州靈巖和尚
福州興聖重蒲禪師
漢州綿竹縣定慧禪師
安州穆禪師 已上三人無機緣語句不錄
- 安州白兆山志圓禪師法嗣十三人八人見錄
- 朗州大龍山智洪禪師 襄州白馬山行靄禪師
- 郢州大陽山行沖禪師
蘄州四祖山清皎禪師
郢州興陽山和尚
新羅國慧雲禪師
京兆大秦寺彥賓禪師 已上五人無機緣語句不錄
- 婺州明招德謙禪師
福州羅山紹孜禪師
建州白雲令弇禪師
吉州清平惟曠禪師
潭州谷山和尚
福州羅山義因禪師
- 潭州藤霞和尚法嗣二人一人見錄
- 澧州藥山第七世和尚
潭州雲蓋山和尚一人無機緣語句不錄
- 洪州鳳棲山同安常察禪師法嗣
袁州仰山良供禪師一人無機緣語句不錄
- 吉州禾山無毅禪師法嗣
- 廬山永安慧度禪師 撫州曹山義崇禪師
吉州禾山契雲禪師 漳州保福和尚
洪州翠巖師陰禪師 已上五人無機緣語句不錄
- 潭州雲蓋山景和尚法嗣三人見錄
- 衡嶽南臺歲禪師 閩州潭柘水後寶禪師
潭州雲蓋山澄覺禪師

廬山歸寂寺潛權禪師法嗣

洪州大寧神降禪師 潛州藥山彥禪師
已上二人無機緣語句不錄

鄂州黃龍蘊和尚

壽州泊山和尚

已上二人無機緣語句不錄

廬山歸宗懷惲禪師法嗣二人

見錄

歸宗第四世弘章禪師

歸宗寺巖密禪師一人無機緣語句不錄

世三

池州岱山章禪師法嗣一人

隨州雙泉山道虔禪師

洪州雲居山懷岳禪師法嗣五人

見錄

洪州風化院令崇禪師 澄州崇山忠彥禪師

梓州龍泉和尚

雲居山住錄和尚

已上二人無機緣語句不錄

撫州荷玉山光慧禪師法嗣

荷玉山福禪師一人
無機緣語句不錄

筠州洞山道延禪師法嗣二人

見錄

筠州上藍慶禪師

洞山教禪師第五世一人
無機緣語句不錄

撫州金峯從志大師法嗣一人

襄州鹿門山處真禪師法嗣六人

見錄

襄州崇真和尚

鹿門山第二世譚和尚

襄州靈谿山明祥師

洪州大安寺真上座

已上二人無機緣語句不錄

撫州曹山慧霞禪師法嗣三人

見錄

嘉州東汀和尚

雄州華嚴正慧大師
泉州招慶院堅上座

已上二人無機緣語句不錄

華州草庵法義禪師法嗣一人

泉州龜洋慧忠禪師

潭州報慈歲嶼禪師法嗣

益州聖興寺存和尚
人無機緣語句不錄

襄州含珠山審哲禪師法嗣六人

見錄

洋州龍穴和尚

唐州大乘山和尚

襄州延慶歸曉大師

襄州含珠山真和尚

含珠山璋禪師第二世含珠山偃和尚
人無機緣語句不錄

鳳翔府紫陵匡一大師法嗣三人

見錄

并州廣道福隱禪師

紫陵第二世微禪師

興元府大浪和尚

洪州同安威禪師法嗣二人

見錄

陳州石境和尚

中同安志和尚一人無機緣語句不錄

襄州石門山獻禪師法嗣一人

見錄

石門山第二世慧徹禪師

見錄

襄州廣德義和尚法嗣三人

見錄

襄州廣德第二世延和尚

見錄

荊州上泉和尚廣德周和尚已上二人無機緣語句不錄

京兆香城和尚法嗣

鄜州羅敷和尚一人無機緣語句不錄

杭州瑞龍院幼璋禪師法嗣

見錄

隨州護國守澄禪師法嗣八人

六人見錄

隨州智門守欽大師

見錄

安州大安山能和尚

護國第二世知遠大師頴州薦福院思禪師

潭州延壽和尚

護國第三世志朗大師

舒州杏爐峯瓊和尚京兆盤龍山滿和尚已上二人無機緣語句不錄

洛京靈泉歸仁禪師法嗣

襄州石門寺達和尚鄭州大陽山堅和尚已上二人無機緣語句不錄

京兆永安院善靜禪師法嗣

大明山和尚一人無機緣語句不錄

蘄州烏牙山彥賓禪師法嗣三人

見錄

安州大安山興古禪師

鏡州盧氏常禪師一人無機緣語句不錄

蘄州烏牙山行朗禪師

見錄

鳳翔府青峯和尚法嗣七人

六人見錄

西川靈龕和尚

京兆紫閣山端己禪師

房州開山懷晝禪師

幽州傳法和尚

益州淨衆歸信禪師

青峯第二世清免禪師

祥州大巖白和尚法嗣

印州碧雲和尚一人無機緣語句不錄

益州淨衆歸信禪師

長平山滿禪師無機緣語句不錄

吉州清原山行思禪師第七世下

見錄

韶州雲門山文偃禪師法嗣

五

南嶽般若寺啓柔禪師僧問西天以蠟人為驗此土如何師曰新羅人草鞋問如何是千

聖同歸底道理師曰未達苦空境無人不歎

嗟師上堂聞三下板聲大眾始集師因示一

偈曰妙哉三下板諸德盡來參既善分時

節今吾不再三。師次住荆南延壽後住京兆廣教院示滅。筠州黃蘖山法濟禪師僧問如何是和尚家風。師曰與天下人作榜樣。師上堂示衆曰空生太覺中如海一漚。發各各當人無事。又上堂良父曰若識得黃蘖杖子平生行脚事畢珍重。襄州洞山守初宗慧大師初參雲門。雲門問近離什麼。應。師曰楂度。雲門曰夏在什麼處。師曰湖南報慈門。曰甚時離彼。師曰去年八日。門曰放汝三頓。棒。師至明日却上問訊。昨日蒙和尚放三頓。棒。不知過在什麼處。門曰飯袋子。江西湖南便與麼去。師於此大悟。師住後。僧問迢迢一路時如何。師曰天晴不肯去。直待雨淋頭曰諸聖作麼生。師曰入涅入水。問心未生時法在什麼處。師曰風吹荷葉動。決定有魚行。問師登。師子座請師唱道。情師曰晴乾開水道無事設曹司。曰恁麼即謝。師指示。師曰賣鞋老婆脚。遽速。上即擊反下七述問如何是三寶。師曰

商量不下。問如何是無縫塔。師曰十字街頭石。師子問如何是免得生死底。法師曰見之不取恩之。三年間離却心機意識。請師一句。師曰道士著黃冕裏坐。問非時親覲。請師一句。師曰到處怎生舉。曰據現定舉。師曰放汝三十棒。曰過在什麼處。師曰罪不重科。問蓮花未出水時如何。師曰楚山頭倒卓。曰出水後如何。師曰漢水正東流。問如何是吹毛劍。師曰金州客尼問車住牛不住時如何。師曰用駕車漢作麼問。如何是衲僧分上事。師曰雲裏楚山頭。決定多風雨。問海竭人亡時如何。師曰難得。曰便恁麼去時如何。師曰雲在世六青天水在瓶。問有無雙泥權實兩忘。究竟如何。師曰夢山頭倒卓。曰還許學人領會也無。師曰也有方便。曰請師方便。師曰千里萬里。問牛頭未見四祖時如何。師曰榔栗木拄杖。曰見後如何。師曰竇八布衫。問如何是佛。師曰灼然諦當。問万緣俱息意旨如何。師曰龕

裏石人賣棗園問如何是洞山劍師曰作麼僧曰學人要知師曰罪過問乾坤休著意宇宙不留心學人只恁麼師又作麼生師曰峴山亭起霧灘峻不留船問大眾雲臻請師撮其樞要略舉大綱師曰水上浮沤呈五色海底蝦墓叫月明問正當恁麼時文殊普賢在什麼處師曰長者八十一其樹不生耳曰意旨如何師曰一則不成二則不是

信州康國耀和尚僧問文殊與維摩對譚何事師曰汝向觸體後會始得曰古人道觸體裏薦取又如何師曰汝還薦得麼曰恁麼即遠人得遇於師去也師曰莫謾語好

潭州谷山豐禪師亦住興元府普通院僧問師唱誰家曲宗風嗣阿誰師曰雪嶺梅華綻雲洞老僧驚師上堂示衆曰俊馬機前異遊人財後懸旣參雲外客試為老僧看纔有僧出師便打云何不早出頭來
潁州羅漢匡果禪師僧問如何是吹毛劍師曰了問和尚百年後忽

世三

有人問和尚向什麼處去如何酬對師曰後遇作家分明舉似曰誰是知音者師曰知音者即不恁麼問問如何是羅漢境師曰松檜古貞問鑿壁偷光時如何師曰錯曰爭奈苦志專心師曰錯錯
朗州滄谿璘和尚僧問如何是滄谿境師曰面前水匯東流問如何是滄谿家風師曰入來便見問是法住法位世間相常住雲門和尚向什麼處去也師曰見麼曰錯師曰錯錯問如何是西來意師曰不錯師因事有頌曰
天地指前徑時人莫彊移箇中生解會眉上更安眉筠州洞山普利院第八世住清稟禪師泉州僊遊人也姓李氏幼禮中峯院鴻謐為師年十六福州太平寺受戒初詣南嶽參惟勁頭陀未染指及抵韶陽禮祖塔迴造雲門雲門問曰今日離什麼處曰慧林雲門舉拄杖曰慧林大師恁麼去汝見麼曰深領此問雲門顧左右微笑而已師自此入室印悟乃之金

陵國主李氏請居光睦未幾復命入澄心堂集諸方語要經十稔迎住洞山開堂日維那白樞曰法筵龍象衆當觀第一義師曰也好消息只恐汝錯會僧問雲門一曲師親唱令日新豐事若何師曰也要道却

斬州北禪寂和尚悟通大師師問僧什麼處來曰黃州來師曰在什麼院曰資福師曰福將何資曰兩重公案師曰爭奈在北禪手裏問曰在手裏即收取師便打洪州泐潭道

謙禪師僧問如何是泐潭家風師曰闇黎到來幾日問但有纖毫即是塵不有時作麼生師以手掩兩目問當陽舉唱誰是聞者師曰老僧不患耳聰廬州南天王永平禪師僧問如何是西來意師曰不撒沙問如何是南天王境師曰一任觀音曰如何是境中人師曰且領前話問久戰沙場為什麼功名不就師曰只為眼霜臥雪深曰恁麼即罷息干戈東手歸朝去也師曰指揮使未到你作

世三

湖南永安朗禪師僧問如何是洞陽家風師曰入門便見曰如何是入門便見師曰客是相師問如何是至極之譚師曰愛別離苦湖南潭明和尚僧問如何是湘潭境師曰山連大嶽水接瀟湘曰如何是境中人師曰便合知時間如何是佛法大意師曰百惑謾勞

神金陵清涼明禪師江南國主請師上堂小長老問凡有言句盡落方便不落方便請師速道師曰國主在此不敢無禮金陵奉先深禪師江南國主請開堂日纔升座維那白樞曰法筵龍象衆當觀第一義師便云果然不識鈍置殺人時有僧出禮拜問如何是第一義師曰賴遇道了也曰如何領會師曰速禮三拜師又拈曰大衆汝道鈍置落阿誰分上西川青城大面山乘和尚僧問如何是相輪峯師曰直聳煙嵐際曰向上事如何師曰入地三尺五問如何是佛法大意師曰興義門前擊鼓曰學人不會師曰朝打三

十暮打八百 潼府妙勝臻禪師僧問如何
是妙勝境師曰龍藏開時貝葉分明問金粟
如來為什麼却降釋迦會裏師曰香山南雪
山北曰南贍部洲事又作麼生師曰黃河水
急浪花巖間心心寂滅即不問如何是向上
一路師曰一條濟水貫新羅世三九問遠嚮雲門南

北縱橫四維上下事作麼生師曰今日明日
興元府普通封和尚僧問今日一會何似靈
山師曰震動乾坤問如何是普通境師曰庭
前有竹三冬秀戶內無燈午夜明 韶州燈
峯淨原和尚師上堂謂衆曰古人道山河大地
普真如大眾若得真如者即隱却他山河
大地若不得者即違他古德至言衆中道得
者出來道不得即各自歸堂珍重僧問如何
是和尚為人一句師曰不著力 韶州大梵
圓和尚師上堂示衆曰大眾好箇時光直湏
努力時不待人各自歸堂參取本善知識去
僧問大眾雲集請師舉唱師曰有疑請問師

因見聖僧便問僧此箇聖僧年多少僧曰恰
共和尚同季師喝之曰這竭斗不易道得
澧州藥山圓兌禪師僧問藥嶠燈連師當第
幾師曰相逢盡道休官去林下何曾見一人
問水陸不涉者師還接否師曰蘇嚕蘇嚕師
問新到僧南來北來曰北來師曰不落言詮
速道曰某甲是福建道人善會鄉譚師曰參
衆去曰灼然師曰跨跳便打問如何是祖師
西來意師曰道什麼 信州鵝湖山雲震禪
師僧問如何是佛師曰闍梨不是師問僧近
雖什麼處曰兩浙師曰還將得吹毛効來否
僧展兩手師曰將謂是箇爛柯仙元來却是
擣蒲漢問如何是鵝湖家風師曰客是主人
相師曰恁麼則謝師周旋師曰難下陳蕃之
榻 盧山開先清耀禪師僧問如何是燈燈
不絕師曰青楊翻迺植曰學人不會師曰無
根樹下唱虛名問披雲一句師親唱長慶令
朝事若何師曰家家觀世音問如何是披雲

境師曰一餅绿豆安窓下便當生涯度幾秋
問如何是長慶境師曰堂裏老僧頭雪白曰
二境同歸應當別理師曰在處得人疑問古
澗寒泉誰人能到師曰乾曰恁麼即到也師
曰深多少 襄州奉國清海禪師僧問青青
翠竹盡是真如如何是真如師曰點瓦成金

世三

十

客聞名不見形曰恁麼即禮謝下去也師曰
當時妄想至今存問承古人云見月休觀指
歸家罷問程如何是家師曰試舉話頭看問
放過即東道西說不放過怎生道師曰二季
同一春 韶州慈光和尚僧問即心即佛誘
誨之言不涉前蹤如何指教師曰東西且置

偈曰 蕭然獨處意沉吟誰信無絃發妙音
終日法堂唯靜坐更無人問本來心 時有
朋彥上座驟前偈而問曰如何是本來心師
召曰朋彥彥應諾師曰與差僧點茶來彥於
是信入朋彥即廣法大師後嗣天台國師住蘇州長壽太平興國
元年示滅壽百有五歲 前懷州玄泉彥禪

世三

土

南北事作麼生曰恁麼即學人罔測也師曰
龍頭蛇尾 潭州保安師密禪師僧問辊芥
投鋒時如何師曰落在什麼處梁山云落問
不犯辭鋒時如何師曰天台南獄曰便恁麼
時如何師曰江西湖南 前台州瑞巖師彥
禪師法嗣 南嶽橫龍和尚楚王馬氏請住

金輪僧問如何是金輪第一句師曰鈍漢問
如何是金輪一隻箭師曰過也問如何是祖
燈師曰八風吹不滅曰恁麼即暗冥不生也
師曰白日閑人 温州溫嶺瑞峯院神祿禪
師福州福清人也本邑天竺寺出家得法於
瑞巖久為侍者後開山創院學侶依附師有

類曰佩者如何師曰血濺梵天曰大好不傷
 万類師便打問佛在日為衆生說法佛滅後
 有人說法也無師曰慙愧佛問毛吞巨海芥
 納須弥不是學人本分事如何是學人本分
 事師曰封了合盤市裏揭問切急相投請師
 通信師曰火燒裙帶香問如何是大疑底人
 師曰對坐盤中弓落盞曰如何是不疑底人
 師曰再坐盤中弓落盞問風恬浪靜時如何
 師曰百丈竿頭五兩垂師將順世有僧問百
 年後鉢囊子什麼人將去師曰一任將去曰
 裏面事如何師曰線綻方知曰什麼人得師
 曰待海鷺雷聲即向汝道言訖告辭 洛京

栢谷和尚僧問普滋法雨時如何師曰有道
 傳天位不汲鳳凰池問九旬禁足三月事如
 何師曰不墜蠟人機池州和龍和尚僧問如
 何是祖祖相傳底心師曰再三囑你問如何
 是從上宗旨師曰向闔梨口裏著到得麼問
 省要處乞師一接師曰甚是省要 懷州玄

泉第二世和尚僧問辭窮理盡時如何師曰
 不入理豈同盡問妙有玄珠如何取得師曰
 不似摩尼絕影艷碧眼胡人豈能見曰有口
 道不得時如何師曰三寸不能齊鼓韻啞人
 解唱木人歌潞府妙勝玄密禪師僧問四
 山相向時如何師曰紅日不垂影暗地莫知
 音曰學人不會師曰鶴透群峯何伸向背問
 二龍爭珠時如何師曰力無心獻奮迅却
 沉光問雪峯一曲千人唱月裏挑燈誰最明
 師曰無音和不齊明暗豈能收 前福州羅
 山道開禪師法嗣 洪州大寧院隱微禪師
 豫章新淦人也姓楊氏誕久有光明貫室年
廿三

七歲依本邑石頭院道堅禪師出家二十於
 開元寺智勇律師受具歷參宗匠至羅山法
 寶大師導以師子在窟出窟之要因之省悟
 盤桓數稔尋廻江表會龍泉邑宰李孟俊請
 居十善道場始揚宗致師上堂謂衆曰還有
 謂空底麼出來衆無出者師說偈曰

騰空正是時應湏賤上眉從茲出倫去莫待
白頭兒 僧問如何是十善橋師曰險曰過
者如何師曰喪問資福和尚遷化向什麼處
去也師曰草鞋破問如何是黃梅一句師曰
即今怎麼生曰如何是通信師曰九江路絕
問初心後學如何是學師曰頭戴天曰畢竟
如何師曰脚踏地問如何是法王劍師曰露
曰還殺人也無師曰作麼問如何是龍泉劍
師曰不出匣曰便請出之師曰星辰失位問
國界安寧為什麼珠不現師曰落在什麼處
周廣順元年辛亥金陵李氏嚮德召入居龍
光禪苑後改名署覺寂禪師暨建隆二年辛
酉隨江南李氏至洪井住大寧精舍重敷玄
旨其季十月示疾二十七日剃髮潔身陞常
辭衆安座而逝明年二月六日歸葬于吉州
吉水縣邊遺誠也壽七十有六臘五十六謚
玄寂禪師塔曰常寂 癸州明招德謙禪師
受羅山印記靡滯於一隅激揚玄旨諸耆宿

廿三

皆畏其敏捷後學鮮敢當其鋒者師在泉州
招慶大殿上以手指壁畫問僧曰那箇是甚
麼神曰護法善神師曰沙汰時向什麼處去
來僧無對師却令僧去問演侍者演曰汝什
麼劫中遭此難來其僧廻舉似師師曰直饒
演上座他後聚一千衆有什麼用處僧乃禮
拜請別語師曰什麼處去也清上座舉仰山
挿鉢話問師古人意在义手處意在挿鉢處
師曰清上座清應諾師曰還曾夢見仰山麥
清曰不要下語只要上座商量師曰若要商
量堂頭自有一千五百人老師在師到雙巖
雙巖長差覩師風彩乃曰某甲致一問問聞
梨若道得便捨院道不得即不捨金剛經云
一切諸佛及諸佛法皆從此經出且道此經
是何人說師曰說與不說一時拈向那邊著
只如和尚決定喚什麼作此經雙巖無對師
舉經云一切賢聖皆以無為法而有差別斯
則以無為法為極則憑何而有差別且如差

別是過不是過若是過一切賢聖盡有過若
不是過決定喚什麼作差別雙巖亦無語師
曰尋峯道底師在婺州智者寺居第一坐尋
常不受淨水主事僧問曰因什麼不識觸淨
水師下牀拈起淨餅曰這箇是淨主事無語
師乃撲破淨餅師自尅道聲遐播衆請居明
招山開法四來禪者盈于堂室師謂衆曰希
逢一箇下坡不走快便難逢若有同生同死
何妨一展僧問師子未出窟時如何師曰俊
鵠趁不及曰出窟後如何師曰万里正紛紛
曰欲出不出時如何師曰嶮曰向上事如何
師曰眼問如何是透法身外一句子師曰北
斗後翻身問十二時中如何趣向師曰拋向
金剛地上著問文殊與維摩對譚何事師曰
葛巾紗帽已拈向那邊著也問如何是和尚
家風師曰較得著是好手問無煙之火是什
麼人向得師曰不惜眉毛底曰和尚還向得
麼師曰汝道我有多少莖眉毛在師見新到

僧纔上法堂乃舉拂子却擲下其僧珍重便
下去師曰作家作家問全身佩劍時如何師
曰忽遇正恁麼時又作麼生僧無對師問國
泰瑙和尚古人道俱脫只念三行呪便得名
超一切人作麼生與他拈却三行呪便得名
超一切人國泰豎起一指師曰不因今日爭
識得瓜洲客師有師叔在辟院患甚附書來
問曰某甲有此大病如今正受疼痛一切處
安置伊不得還有人救得麼師乃廻信曰頂
門上中此金剛箭透過那邊去也有一僧曾
在師法席辭去住庵一年後來禮拜曰古人
道三日不相見莫作舊時看師乃靈智問曰
汝道我有多少孽蓋胎毛僧無對師却問汝
什麼時離庵曰今朝師曰來時折脚鎗子分
付與阿誰僧又無語師乃喝出問承師有言
我住明招頂興傳古佛心如何是明招頂師
曰換却眼曰如何是古佛心師曰汝還氣急
麼問學人擎雲攫浪上來請師展鉢師曰拶

廿二

破汝頂曰也湏仙施去師乃棒逐出師別有
頌示衆曰明招一拍和人希此是真宗上妙
機石火燄然何處去朝生鳳子合應知師住
明招山四十載語句流布諸方將欲還化上
堂告衆囑付其夜展足問侍者曰答釋迦如
來展開雙足放百寶光明汝道吾今放多少

廿三

十五

侍者曰答曰鶴林今日和尚師以手拂眉曰
莫辜負麼又說偈曰驀刀叢裏逞全威汝等
應當善護持火裏鐵牛生犢子臨岐誰解湊
吾機偈畢安坐寂然長往今塔院存焉

衡州華光範禪師僧問靈臺不立還有出身
處也無師曰有曰如何是出身處師曰出問
如何是西來意師曰道問如何是佛法大意
師曰驗問牛頭未見四祖時如何師曰自由
自在曰見後如何師曰自由自在問如何是
佛法中事師曰了 福州羅山紹孜禪師上
堂有數僧爭出問話師曰但一時出來問待
老僧一時答却僧便問學人一齊問請師一

齊荅師曰得問學人乍入叢林祖師的意
請師直指師曰好 西川慧禪師初參羅山
羅山問什麼處來師曰遠離西蜀近發開元
即今事作麼生羅山揖曰喫茶去師良久無
言羅山曰秋氣稍暖去羅山來日上堂師出
問豁開戶牖當軒者誰羅山乃喝師良久羅
山曰毛羽未備且去師因而搢衣久承印記
後謁台州勝光禪在繩牀上座師直入到身
邊義手立兌問什麼處來師曰猶待荅詰在
師便下去光拈得拄杖拂子下僧堂前見師
提起拂子問曰闍黎喚這箇作什麼師曰敢
死喘氣光低頭歸方丈 建州白雲令尊和
尚師上堂謂衆曰遣往先生門誰云對喪主
珍重僧問已事未明以何為驗師曰水鏡照
素容曰驗後如何師曰不爭多問三台有請
四衆臨筵旣處當仁請師一唱師曰要唱即
不難曰便請師唱師曰夜靜水清魚不食蒲
船空載月明歸 麗州天竺義澄常真禪師

初參羅山接泊數載後因羅山在疾師問百年後忽有人問和尚以何指示羅山乃放身便倒師從此契悟僧問如何是佛法大意師曰寒暑相催問聖皇請命大衆臨筵請師舉師曰願願曰恁麼即人天有賴也師曰汝作麼生
世三 吉州清平惟曠真寂禪師師上堂云不動神情便有輸贏之意還有麼出來時有僧出禮拜師云不是作家出去僧問如何是第一句師曰要頭將取去問如何是活人劍師曰會麼曰如何是殺人刀師叱之問如何是師子兒師曰毛頭排宇宙
支 婺州金柱義昭照和尚僧問如何是和尚家風師曰開門作活僧云忽遇賊來又怎麼生師曰然有新到僧參師揭簾以手作除帽子勢僧擬欲近前師云賺殺人師因事而有頌曰
廿一 師頭生角人難措石火電光湏密布假饒烈士也應難蒙底那能解差互
潭州谷山和尚僧問省要處乞師一言師乃起去問羚羊掛角時

如何師曰你向什麼處覓曰挂角後如何師曰支
支 湖南瀏陽道吾山從盛禪師師初住高安龍廻有僧問如何是覲面事師曰新羅國去也問如何是龍廻家風師曰縱橫射直問如何是靈源師曰嫌什麼曰近者如何師曰如人飲水問窮子投師乞師拯濟師曰莫是屈著汝麼曰爭奈窮何師曰大有人見福州羅山義因禪師師上堂示衆曰若是宗師門下客必不怪於羅山珍重僧問承古人有言自從認得曹谿路了知生死不相關曹谿即不問如何是羅山路師展兩手僧曰恁麼即一路得通諸路亦然曰什麼諸路僧近前立師曰靈鶴煙霄外鈍鳥不離窠問承教中有言順法身万象俱寂隨智用万象齊生如何是万象俱寂師曰有什麼曰如何是万象齊生師曰繩牀倚子
廿二 灌州靈巖和尚僧問如何是道中寶師曰地傾東南天高西北曰學人不會師曰落照機前異師頌石葦接

三平曰解肇當曾箭因何只半人為後途路
曉所以不全身 吉州匡山和尚師有示徒
鎮曰 丘山路匡山路巖崖峻險人難措遊
人擬議隔千山一句分明超佛祖又有白牛
頌曰 我有古壇真白牛父子歲來經幾秋
出門直透孤峯頂迴來暫跨虎谿頭

福州興聖重滿禪師上堂示衆曰覲面分付
不待文宣對眼投機喚作參玄上士若能如
此所以宗風不墜僧問如何是宗風不墜底
句師曰老僧不忍問答日靈山會裏今朝興
聖筵中和尚親傳如何舉唱師曰汝一問
潭州寶應清進禪師僧問如何是實相師曰
沒却汝問至理無言如何通信師曰千差方
別曰得力處乞師指示師曰瞌睡漢
前安州白兆山志圓禪師法嗣 朗州大
龍山智洪弘濟大師僧問如何是佛師曰即
汝是曰如何領會師曰更嫌鉢盂無柄那問
如何是微妙師曰風送水聲來枕畔月移山

影到牀邊問如何是極則處師曰懊惱三春
月不及九秋光 裏州白馬山行靄禪師僧
問如何是清淨法身師曰井底蝦蟆吞却月
問如何是白馬正眼師曰向南看北斗
郢州大陽山行冲禪師第一世住僧問如何是無
盡藏師良久僧無語師曰近前來僧纔近前

師曰去 安州白兆山三軋院懷楚禪師第二世住
僧問如何是句句湧行玄路師曰汎路直
到湖南問如何是師子兒師曰德山嗣龍潭
問如何是和尚為人一句師曰與汝素無冤
讐一句元在這裏曰未審在什麼方所師曰
這鈍漢 第三世 蕭州四祖山清皎禪師福州人也

姓王氏初住郢州大陽山為第二世僧問師
唱誰家曲宗風嗣阿誰師曰楷師巖畔祥雲
起寶壽峰前震法雷師次住安州慧日院後
遷止蘄州四祖山為第一世年七十時遺偈
云 吾季八十八滿頭垂白髮顥顥鎮雙峯
明明千江月黃梅揚祖教白兆承宗訣日日

告兒孫勿令有斷絕 淳化四年癸巳八月
二十三日入滅年八十八 蘄州三角山志
操師第三住僧問教法甚多宗歸一貫和尚為
什麼說得許多周遊者也師曰為你周遊者
也曰請和尚即古即今師以手敲繩牀
晉州興教師普禪師僧問盈龍宮溢海藏真

詮即不問如何是教外別傳底法師曰眼裏
耳裏鼻裏曰只此便是否師曰是什麼僧咄
師亦咄問僧近離什麼處曰下寨師曰還逢
著賊麼曰今日投下師曰放汝三十棒
蘄州三角山真鑒禪師第四住僧問師唱誰家
曲宗風嗣阿誰師曰忽然行政令便見下堂

堵 前潭州藤霞和尚法嗣

澧州藥山和尚第七住師上坐謂衆曰夫學般
若菩薩不懼得失有事近前時有僧問藥山
祖裔請師舉唱師曰万機挑不出曰為什麼
萬機挑不出師曰他緣岸谷問如何是藥山
家風師曰葉落不如初問法雷哮吼時如何

三

十九

師曰宇宙不曾震曰為什麼不曾震師曰徧
地娑婆未嘗哮吼曰不哮吼底事如何師曰
蓋國無人知 前潭州雲蓋山證
衡嶽南臺寺歲禪師問遠遠投師請師一接
師曰不隔戶問如何是南臺境師曰松韻拂
時石不點孤峯山下壘難齊曰如何是境中
人師曰巖前栽野果接待往來賓曰恁麼則
謝供養師曰怎生滋味問如何是法堂師曰
無辟落問不顧諸緣時如何師良久
幽州潭柘水從實禪師僧問如何是道師曰
箇中無紫阜曰如何是禪師曰不與白雲連
師問僧作什麼來曰親近來師曰任汝白雲
朝纓頂爭奈青霄不展顏 潭州雲蓋山證
覺禪師僧問如何是和尚家風師曰四海不
曾通問如何是一塵含法界師曰通身體不
圓曰如何是九世利那分師曰繁興不布彩
問如何是宗門中的意師曰万里胡僧不
入波瀾 前廬山歸宗懷惲禪師法嗣

歸宗寺弘章禪師第四住僧問學人有疑時如何師曰疑來多少時也問小船渡大海時如何師曰教些子曰如何得渡師曰不過來問枯木生華時如何師曰把一朶來問混然覓不得時如何師曰是什麼前池州嵇山章禪師法嗣隨州雙泉山道度禪師僧問洪

鍾未扣時如何師曰絕音響曰扣後如何師曰絕音響問如何是在道底人師曰無異念問如何是希有底事師曰白蓮華向半天開師後住安州法雲院示滅前洪州雲居第十四世懷岳禪師法嗣楊州風化院令崇禪師第一住舒州宿松人七歲出家二十登戒慶禪師初遊方問雪峰如何是雪峰的意雪峰以杖子敲師頭師應諾峯大咷師後承洞山印解居千上藍僧問如何是上藍無刃劍師曰無僧曰為什麼無師曰閻黎諸方有前襄州鹿門山處真禪師法嗣益州崇真和尚僧問如何是禪師曰澄潭釣玉兔問如何是大人相師曰涅槃三官土地堂

襄州鹿門山第二世譚和尚志行大師僧問僧問如何是敵國一著慕師曰下将来問一棒打破虛空時如何師曰把將一片來澧州藥山忠彥禪師第八住僧問教云諸佛放光明助裴實相義光明即不問如何是助跋

實相義師曰會麼曰莫便是否師曰是什麼問師唱誰家曲宗風嗣阿誰師曰雲嶺龍昌月神風洞上泉梓州龍泉和尚僧問如何是祖師而來意師曰不在閻黎分上問學人欲跳万丈洪崖時如何師曰撲殺前筠州洞山道延禪師法嗣筠州上藍院

廿三

戊亥年生 襄州谷隱智靜悟空大師僧問
如何是和尚轉身處師曰卧單子下問如何
是道師曰鳳林關下曰學人不會師曰直至
荆南問如何是指歸之路師曰莫用伊曰還
使學人到也無師曰什麼處著得汝問靈山
一會何異今時師曰不異如今曰不異底事

廿三

廿一

作麼生 師曰如來密旨迦葉不傳 嘉州東
手巖行因禪師者雁門人也未詳姓氏早習
儒學一旦捨俗出家志求真諦乃遊方首謁
襄陽鹿門山真禪師資道契尋抵江淮登
廬山山之北有巖如五指下有石窟深邃可
三丈餘師宴處其中因號佛手巖和尚不度
弟子有隣庵僧為之供侍常有異鹿錦囊鳥
馴達其側江南國主李氏嚮仰三遣使徵召
不起堅請就棲賢寺開法不踰月潛歸巖室
僧問如何是對現色身師豎起一指法眼別云還有一日示有微疾謂侍僧曰日將午吾去矣
侍僧方對師下牀行數步屹立而化巖頂上

有松一株同日枯瘁壽七十餘國主命畫工
寫影備香薪焚爇收遺骨塔于巖之陰
前撫州曹山第二世慧霞禪師法嗣

嘉州東汀和尚僧問如何是却去底人

師曰

石女紡麻纏曰如何是却來底人師曰扇車
關牒良計斷 前華州草庵法義禪師法嗣

泉州龜洋慧忠禪師本州僊遊縣人也姓陳
氏九歲依本山出家既具戒杖錫觀方謁草
庵和尚草庵問曰何方而來師曰六眸峯來
草庵曰還具六通否師曰患非重瞳草庵然
之師迴故山屬唐武宗廢教例為白衣暨宣
宗中興師曰古人有言上昇道士不受錄成
佛沙彌不具戒法遂過中不食不宿而禪乃
述偈三首曰 雪後始諳松桂別雲收方見
濟河分不回世主教還倍那辨雞群與鶴群
多季塵事謾騰騰雖著方袍未是僧今日修
行依善慧蒲頭留髮後然燈 形容雖變道
常存混俗心源亦不昏更讀善財巡禮偈當

時何處作沙門師始從參禮以至返初示滅
未嘗下山葬于無了和尚塔于東隅二百步
起為東塔經數載其塔忽坼裂連階丈餘時
主塔僧將燄之於夜宴寐中見西塔定身言
曰吾之遺質既勞汝重瘞今東塔不煩更出
也塔主稟乎靈感召檀信重修補嚴飾迨今
廿三
香燈不絕時謂陳沈二真身是也其無了禪
師嗣馬祖事迹廣如別章前襄州含珠山
審哲禪師法嗣洋州龍虎山和尚僧問如
何是祖師西來意師曰騎廝唱巴歌問大善
知識為什麼却與土地燒錢師曰彼上人者
難為酬對唐州大乘山和尚問枯樹逢春
時如何師曰世間希有問如何是四面上事
師曰升子裏躡跳斗子內轉身襄州鳳山
延慶院歸曉慧廣大師僧問言語道斷時如
何師曰兩重公案曰如何領會師曰分明舉
似洞山問如何是鳳山境師曰好生看取曰
如何是境中人師曰識麼襄州含珠山真

時何處作沙門師始從參禮以至返初示滅
未嘗下山葬于無了和尚塔于東隅二百步
起為東塔經數載其塔忽坼裂連階丈餘時
主塔僧將燄之於夜宴寐中見西塔定身言
曰吾之遺質既勞汝重瘞今東塔不煩更出
也塔主稟乎靈感召檀信重修補嚴飾迨今
廿三
香燈不絕時謂陳沈二真身是也其無了禪
師嗣馬祖事迹廣如別章前襄州含珠山
審哲禪師法嗣洋州龍虎山和尚僧問如
何是祖師西來意師曰騎廝唱巴歌問大善
知識為什麼却與土地燒錢師曰彼上人者
難為酬對唐州大乘山和尚問枯樹逢春
時如何師曰世間希有問如何是四面上事
師曰升子裏躡跳斗子內轉身襄州鳳山
延慶院歸曉慧廣大師僧問言語道斷時如
何師曰兩重公案曰如何領會師曰分明舉
似洞山問如何是鳳山境師曰好生看取曰
如何是境中人師曰識麼襄州含珠山真

和尚第三住僧問師唱誰家曲宗風嗣阿誰師
曰含珠密意同道者知曰恁麼即不假羽翼
便登翠嶺也師曰鈍問古鏡未磨時如何師
曰昧不得曰磨後如何師曰黑似漆
前鳳翔府紫陵匡一大師法嗣并州廣福
道隱禪師僧問如何是指南一路師曰妙引
前鳳翔府紫陵匡一大師法嗣并州廣福
道隱禪師僧問如何是指南一路師曰妙引

靈機事澄波顯異輪問三家同到請未審赴
誰家師曰月應千家水門門盡有僧

紫陵微禪師第二住僧問如何是紫陵境師曰
寐照燈光夜已深曰如何是境中人師曰猿
啼廝嘯問寶劍未出匣時如何師曰盤陀石
上栽松柏興元府大浪和尚僧問既是喝

廿三

廿三

河神為什麼却被水推却師曰隨流始得妙
倚岸却成迷前洪州鳳樓山同安威
禪師法嗣陳州石鏡和尚僧問石鏡不磨
還照也無師曰前生是因今生是果

前襄州石門山獻禪師法嗣石門山乾明
寺慧徹禪師第二住問金烏出海兌天地與此

光陰事若何師曰龍出洞兮風雨至海嶽傾時日月明問從上諸聖向什麼處去也師曰露柱桂燈籠問師唱誰家曲宗風嗣阿誰師曰片雲生鳳嶺樵子處處明問如何是和尚家風師曰解接無根樹能挑海底燈問如何是祖師西來意師曰少林澄九鼎動浪百華新問如何是佛法大意師曰三門外松樹子見生見長問一毫未發時如何師曰羿善不調弓箭透三江口問如何是佛師曰樵子度荒郊騎牛草不露前襄州方銅山廣德義和尚法嗣襄州廣德延和尚世住第二初謁廣德義和尚作禮而問曰如何是和尚深深處曰隱身不必湧巖谷闌闊堆堆覩者希師曰恁麼即酌水獻花也曰忽然雲霧靄闇黎作麼生師曰采汲不虛施白大衆看取第二代廣德師次踵山門聚徒開法僧問如何是祖師西來意師曰魚躍無源水鷺啼萬古松問如何是常在底人師曰臘月死蛇當大路

觸著傷人不奈何問如何是大通智勝佛時師曰盛夏日輪新霽後汝莫當輝瞪目觀曰如何是大通智勝佛後師曰孤輪罷照就鷲峯頂汝報巴猿莫斷腸問如何是作得無間業師曰猛火然鑄煮佛喋師因事有頌曰纔到洪山便探根四平八面不言論他家自有眼雲志蘆管橫吹宇宙分

前隨州隨城山護國守澄禪師法嗣

隨州龍居山智門寺守欽圓照大師僧問兩鏡相對為什麼中間無像師曰自己亦湧隱曰鏡破臺亡時如何師豎起拳問如何是和尚家風師曰額上不帖榜隨城山護國知遠

演化大師世住第二僧問舉子入門時如何師曰緣情體物是作麼生問乾坤休駐意宇宙不留心時如何師曰揔是戰爭收拾得却因歌舞破除休問直截根源佛所印摘葉尋枝我不能意旨如何師曰罷攀雲樹三秋果休戀碧潭孤月輪安州大安山能和尚崇教大

師僧問師唱誰家曲宗風嗣阿誰師曰打起
南山鼓唱起北山歌問如何是三冬境師曰
千山添翠色万樹鎖銀華
禪師曾住唐州天目山僧問古殿無佛時如何師曰
梵音何來又問不假修證如何得成師曰修
證即不成
潭州延壽和尚僧問師唱誰家

曲宗風嗣阿誰師曰煬帝以汴水為榮老僧
以書湖池畔隨城山護國志朗圓明大師
第三世住僧問師唱誰家曲宗風嗣阿誰師曰淨
果嫡子踈山之孫問如何是方法之根源師
曰空中收不得護國不能該
前蘄州烏牙山彥賓禪師法嗣
安州大安山興古禪師

間斷房州開山懷畫禪師僧問作何行業
即得不違千聖師曰妙行無倫匹情玄體自
殊問有耳不臨清水洗無心誰為白雲幽師
曰無木挂千金曰挂後如何師曰杳杳人難
辨
幽州傳法和尚僧問教意與祖意是同
是別師曰華開金線秀古洞白雲深問別人
為什麼徒弟多師為什麼無徒弟師曰海島
龍多隱茅茨鳳不棲
益州淨衆寺歸信禪師僧問蓮華未出水時如何師曰菡萏滿池
流曰出水後如何師曰葉落不知秋問不假
浮囊便登巨海時如何師曰紅觜三飛超界
外綠毛也解道煎茶
青峯山清免禪師

